



Caderno da crítica

Cuestionario Proust: Agustín Agra

[Ramón Nicolás 6 Xuño 2014](#)

1.– Principal trazo do seu carácter?

-A perseveranza.

2.– Que calidade aprecia máis nas persoas?

-A bondade.

3.– Que agarda das súas amizades?

-Nada en especial, se acaso comprensión.

4.– A súa principal eiva?

-Entre outras moitas, a obsesión polo tempo (cronolóxico)

5.– A súa ocupación favorita?

-Correr, ler, ver cinema, viaxar, escribir ...

6.– O seu ideal de felicidade?

-Poder facer acotío o que me gusta facer.

7.– Cal sería a súa maior desgraza?

-A desaparición dos meus.

8.– Que lle gustaría ser?

-O que son.

9.– En que país desexaría vivir?

-Descreo das fronteiras. Malia a iso, nesa Galiza utópica coa que moitas/os soñamos.

10.– A súa cor favorita?

-Non teño. A cousa vai máis de contrastes, luces, texturas ...

11. – A flor que máis lle gusta?

-Os estraloques (*Digitalis purpurea*), de velenosa beleza.

12.– O paxaro que prefire?

-O merlo.

13.– A súa devoción na prosa?

-Non son de devocións pero confeso que sempre volvo a Borges e a Xavier Queipo.

14.– E na poesía?

-O mesmo con Kavafis e Avilés de Taramancos.

15.– Un libro?

-Son incapaz de dicir só un.

16.– Un heroe de ficción?

-Son pouco de heroes. Atticus Finch quizais.

17.– Unha heroína?

-Tampouco de heroínas.

18.– A súa música favorita?

-World music.

19.– Na pintura?

-Klee, Rothko, Seoane, Luguís...

20.– Un heroe ou heroína na vida real?

-A miña nai.

21.– O seu nome favorito?

-Antón, Carme.

22.– Que hábito alleo non soporta?

-A prepotencia.

23.– O que máis odia?

-O dogmatismo, a intolerancia, a crueldade...

24.– A figura histórica que máis despreza?

-Difícil escolla; moi extensa a listaxe dos feixistas.

25.– Un feito militar que admire?

-Nada hai de admirar nos feitos militares. Si admiro a afouteza coa que os “paseados” afrontaron aos seus asasinou ou a dos sublevados no gueto de Varsovia.

26.– Que don natural lle gustaría ter?

-O da ubicuidade, pero moi natural non é.

27. – De que maneira lle gustaría morrer?

-Serenou e cos soños intactos.

28.– Cal é o seu estado de ánimo máis habitual?

-Tectónico, como una placa litosférica.

29.– Que defectos lle inspiran máis indulxencia?

–

30.– Un lema na súa vida?

-Non son de lemas, fánseme un tanto dogmáticos.